

Predmet: Međunarodno privatno pravo II – časovi vježbi

Instrukcije:

1. Studenti trebaju pažljivo pročitati slučaj.
2. Na kraju dokumenta navedena su tri pitanja. Studenti trebaju istražiti odgovore u obaveznoj i preporučenoj literaturi u okviru nastavnog predmeta Međunarodno privatno pravo II.
3. Odgovore, u Word dokumentu, studenti trebaju dostaviti putem emaila skenderagic.aida@gmail.com.
4. Rok za dostavljanje odgovora je 26. april 2021. godine.

Privredno društvo sa sjedištem u Sarajevu, za potrebe izrade veganskih kolača i njihovog izlaganja na sajmu zdrave ishrane u Njemačkoj, odluči nabaviti organski kakao sa specijalizovanim načinom pravljenja. Predstavnici tog društva su odlučili stupiti u pregovore sa jednim od ponuđača čiji su im se proizvodi učinili vrlo kvalitetnim i cijenovno povoljnim, a koji saraduju sa najboljim indonezijskim proizvođačima kakao zrna. U pitanju je kompanija sa sjedištem u Berlinu (Njemačka). Dogovoreno je da će predstavnici kupca doći u Njemačku kako bi zaključili ugovor o kupoprodaji, što se i desilo.

Nakon što je roba isporučena u skladu s ugovorom, kupac je isplatio polovinu kupovne cijene, ali ostatak nije uplaćen ni nakon pismene opomene prodavca.

U ugovoru postoji arbitražna klauzula, prema kojoj je za eventualne sporove utvrđena nadležnost Arbitražne komore u Milanu (Italija). U skladu sa arbitražnim pravilima te institucije, arbitražni tribunal sastavljen je od 3 člana. Svaka od stranaka imenovala je po jednog arbitra, a oni bi, u slučaju da doista i dođe do spora, trebalo da imenuju trećeg arbitra, koji bi ujedno bio i predsjednik vijeća.

U međuvremenu, jedan od dvojice izabranih arbitara odbija nominovanje zbog porodične tragedije (smrt bliske osobe zbog zarazne bolesti).

Prodavac podiže tužbu protiv našeg privrednog društva pred sudom u Sarajevu i taj sud dostavlja tužbu tuženom (kupcu) na odgovor.

Pitanja:

1. O kojoj vrsti nadležnosti se radi u konkretnom sporu i na osnovu koja tri odlučujuća elementa se zasniva takva nadležnost?
2. Kakav biste odgovor na tužbu dali kao pravni zastupnik našeg privrednog društva?
3. Da li se spor mogao pokrenuti pred nekim drugim sudom i kojim?